

中國歷代氏族典


廣陵書社



中國歷代氏族典

江苏工业学院图书馆
藏书章

三



廣陵書社

欽定古今圖書集成明倫彙編氏族典

第一百四十卷目錄

元姓部彙考

魏書高祖本紀

唐書宰相世系表

宋史元結傳

鄭樵通志以邑為氏

王圻續文獻通考同姓異流

廖用賢尚友錄元姓

元姓部列傳一

周

元咺

漢

元賀

晉

元愍

梁

元樹

元法僧

元景隆

北魏一

元六修

元謂

元翰

元儀

元鳳

元顓

元順

元勃

元因

元素延

元呂

元度

元鳥真

元紹

元曜

元處文

元黎

元意烈

元紇羅

元頽

元比干

元斤

元敦

元泥

元熙

元修

元連

氏族典第一百四十卷

元姓部彙考

魏書

高祖本紀

太和二十年春正月丁卯詔改姓為元氏

唐書

宰相世系表

元氏出自拓拔氏黃帝生昌意昌意少子惲居北土

世為鮮卑君長平文皇帝鬱律二子什翼犍烏孤什

翼犍昭成皇帝也始號代王至道武皇帝改號魏至孝文帝更為元氏

什翼犍七子一曰寶君二曰翰三曰闕婆四曰壽鳩

五曰紇根六曰力真七曰窟咄寶君生道武皇帝珪

珪生明元皇帝嗣嗣生太武皇帝肅宗生景穆皇帝

晃景穆諸子唯濬新成子推天錫雲順胡兒休八房

子孫聞於唐濬文成皇帝也文成諸子唯弘長樂二

房子孫聞於唐弘獻文皇帝也獻文諸子唯宏幹羽

總四房子孫聞於唐宏孝文帝也七子恂恪懷愉懌

悅恪宣武皇帝也懷廣平文穆王生廣平文懿王悌

悌生侍中驃騎大將軍廣平王贊贊生謙什翼犍第

六子力真力真二子意烈意勤意勁彭城公五世孫

敷州刺史禎禎二子巖成

元載傳

元載字公輔鳳翔岐山人父昇本景氏曹王明妃元

氏賜田在扶風昇主其租入有勞請於妃冒為元氏

元結傳

河南元氏望也世業載國史世系在家謀

宋史

元絳傳

元絳字厚之其先臨川危氏唐末存倡聚眾保鄉里

進據信州為楊氏所敗奔杭州易姓曰元

鄭樵通志

以邑為氏

元氏左傳衛大夫元咺之後也咺食邑於元今大名

府元城是其地子孫以邑為氏又拓拔氏云黃帝子

昌意之後昌意少子惲居北土世為鮮卑君長宋書

中國歷代氏族典

第一百四十卷 元姓部

一二八〇

云李陵之後自昌意二十九世至昭成皇帝什翼犍始號代王都雲中至道武帝始改號魏至孝文帝更爲元氏都洛陽又有紇骨氏改爲元氏又有是云氏改爲元氏又有景氏改爲元氏

王圻續文獻通考

同姓異派

元氏有五元咍之後食邑於元以邑氏又拓拔氏紇骨氏是云氏景氏俱改爲元氏

廖用賢尚友錄

元姓

元河南商音又望出太原

元姓部列傳一

周

元咍

按左傳僖公二十八年衛侯聞楚師敗懼出奔楚遂適陳使元咍奉叔武以受盟癸亥王子虎盟諸侯于王庭或訴元咍于衛侯曰立叔武矣其子角從公公使殺之咍不廢命奉夷叔以入守六月晉人復衛侯甯武子與衛人盟于宛濮衛侯先期入甯子先長祥守門以爲使也與之乘而入公子歆大華仲前驅叔

武將沐聞君至喜捉髮走出前驅射而殺之公却其無罪也枕之股而哭之歆犬走出公使殺之元咍出奔晉冬會于溫衛侯與元咍訟衛侯不勝執衛侯歸之于京師寘諸深室元咍歸于衛立公子瑕三十年公爲之請納玉於王與晉侯皆十穀王許之秋乃釋衛侯衛侯使賂周歆治墜曰苟能納我吾使爾爲卿周治殺元咍

漢

元賀

按萬姓統譜賀宕渠人嘗爲九江沛郡太守所在著德吏民涕泣送之遷大司農爲名卿

元賓

按萬姓統譜賓以孝廉入署除蒼龍司馬衛尉遷吳令視事二稔民用康寧辟州從事召拜議郎

晉

元愍

按萬姓統譜愍著樂略四卷

梁

元樹

按梁書元樹傳樹字君立魏之近屬也祖獻文帝父僖咸陽王樹仕魏爲宗正卿屬爾朱榮亂以天監八年歸國封爲鄴王邑二千戶拜散騎常侍普通六年應接元法僧還朝遷使持節督鄆司霍三州諸軍事雲麾將軍鄆州刺史增封并前爲三千戶討南蠻賊平之加散騎常侍安西將軍又增邑五百戶中大通二年徵侍中鎮右將軍四年爲使持節鎮北將軍都督北討諸軍事攻魏譙城拔之會魏將獨孤如願來

援遂圍樹城陷被執發憤卒於魏時年四十八

元願達

按梁書元願達傳願達亦魏之支庶也祖明元帝父樂平王願達仕魏爲中書令司州刺史普通中大軍北伐攻義陽願達舉州獻款詔封樂平公邑千戶賜甲第女樂仍出爲使持節散騎常侍都督湘州諸軍事平南將軍湘州刺史中大通二年徵侍中大中大夫翊左將軍大同三年卒時年五十七

元法僧

按梁書元法僧傳法僧魏氏之支屬也其始祖道武帝父鍾葵江陽王法僧仕魏歷光祿大夫後爲使持節都督徐州諸軍事徐州刺史鎮彭城普通五年魏室大亂法僧遂據鎮稱帝誅鋤異己立諸子爲王部署將帥欲議匡復既而魏亂稍定將討法僧法僧懼乃遣使歸款請爲附庸高祖許焉授侍中司空封始安郡公邑五千戶及魏軍既逼法僧請還朝高祖遣中書舍人朱异迎之既至甚加優寵大通二年加冠軍將軍中大通元年轉車騎將軍四年進太尉領金紫光祿其年立爲東魏王不行仍授使持節散騎常侍驃騎大將軍開府同三司之儀鄆州刺史大同二年徵爲侍中太尉領軍將軍薨時年八十三

元貞

按梁書元樹傳樹子貞大同中求隨魏使崔長謙至鄴葬父還拜太子舍人太清初侯景降請元氏戚屬願奉爲主詔封貞爲咸陽王以天子之禮遣還北會景敗而返

元景隆

按梁書元法僧傳法僧子景隆普通中隨法僧入朝封池陽縣公邑千戶出爲持節都督廣越交桂等十三州諸軍事平南將軍平越中郎將廣州刺史中大通三年徵侍中安右將軍四年爲征北將軍徐州刺史封彭城王不行俄除侍中度支尚書大淸初又爲使持節都督廣越交桂等十三州諸軍事征南將軍平越中郎將廣州刺史行至雷首遇疾卒時年五十八

元景仲

按梁書元法僧傳法僧子景仲普通中隨法僧入朝封枝江縣公邑千戶拜侍中右衛將軍大通三年增封并前爲二千戶出爲持節都督廣越等十三州諸軍事宣惠將軍平越中郎將廣州刺史大同中徵侍中左衛將軍侯景作亂以景仲元氏之族遣信誘之許奉爲主景仲乃舉兵將下應景會西江督護陳霸先與成州刺史王懷明等起兵攻之霸先徇其衆曰朝廷以元景仲與賊連從謀危社稷今使曲江公勃爲刺史鎮撫此州衆聞之皆棄甲而散景仲乃自縊而死

北魏一

元六修 按北魏自太和二十年改姓爲元則孝文以前宗室尚姓拓拔也茲悉分列二載於元姓傳中

按魏書穆帝長子六修傳穆帝長子六修少而兇悖穆帝五年遣六修爲前鋒與輔相衛雄范班及姬澹等救劉琨帝躬統大兵爲後繼劉琨懼焚燒輜重突圍遁走縱騎追之殺傷甚衆帝因大獵於壽陽山陳閱皮肉山爲變赤及晉懷帝爲劉聰所執穆帝遣六

修與桓帝子普根率精騎助劉琨初穆帝少子比延有寵欲以爲後六修出居新平城而黜其母六修有驛驢駿馬日行五百里穆帝欲取以給比延後六修來朝穆帝又命拜比延六修不從穆帝乃坐比延於己所乘步輦使人導從出遊六修望見以爲穆帝謁伏路左及至乃是比延慚怒而去召之不還穆帝怒率衆伐之帝軍不利六修殺比延帝改服微行民間有賤婦人識帝遂暴崩普根先守於外聞難率衆來赴攻六修滅之

元孤

按魏書高涼王傳高涼王孤平文皇帝之第四子也多才藝有志略烈帝之前元年國有內難昭成如襄國後烈帝臨崩顧命迎昭成立之社稷可安及崩羣臣咸以新有大故內外未安昭成在南來未可果比至之間恐生變詐宜立長君以鎮衆望次弟屈剛猛多變不如孤之寬和柔順於是大人梁蓋等殺屈剛推孤孤曰吾兄居長自應繼位我安可越次而處大業乃自詣鄴奉迎請身畱爲質石虎義而從之昭成即位乃分國半部以與之薨

元謂

按魏書武衛將軍謂傳武衛將軍謂烈帝之第四子也寬雅有將略常從太祖征討有功除武衛將軍後謝老歸家顯祖善禮遇之賜几杖服物致膳於第卒賜祕器

元寔君

按魏書寔君傳寔君者昭成皇帝之庶長子也性愚憊安忍不仁昭成季年特堅遣其行唐公苻洛等來

寇南境昭成遣劉庫仁逆戰於石子嶺昭成時不勝不能親勒衆軍乃率諸部避難陰山度漠北高車四面寇抄復度漠南有洛軍退乃還雲中昭成以弟孤讓國乃以半部授孤孤卒子斤失職懷怨欲隙隙爲亂是時獻明皇帝及泰明王翰皆先終太祖年六歲昭成不豫慕容后子閼婆等雖長而國統未定斤因是說寔君曰帝將立慕容所生而懼汝爲變欲先殺汝汝是以頃日以來諸子戎服夜持兵仗遶汝舍伺便將發吾慙而相告時苻洛等軍猶在君子津夜常警備諸皇子挾仗傍徨廬舍之間寔君視察以斤言爲信乃率其屬盡害諸皇子昭成亦暴崩其夜諸皇子婦及宮人奔告苻洛軍堅將李柔張蚝勒兵內逼部衆離散苻堅聞之召燕鳳問其故以狀對堅曰天下之惡一也乃執寔君及斤轅之於長安西市孫勿期位定州刺史賜爵林慮侯卒子六狀真定侯

元翰

按魏書秦明王傳秦明王翰昭成皇帝第三子少有高氣年十五便請率騎征討帝壯之使領二千騎及長統兵號令嚴信周旋征討多有剋捷建國十年卒太祖卽位追贈秦王諡曰明

元窟咄

按魏書窟咄傳昭成子窟咄昭成崩後苻洛以其年長逼徙長安苻堅禮之教以書學因亂隨慕容末東遷永以爲新興太守劉顯之敗遣弟元涅等迎窟咄遂逼南界於是諸部騷動太祖左右于桓等謀應之同謀人單烏干以告太祖慮駭人心沉吟未發後三日桓以謀白其舅穆崇崇又告之太祖乃誅桓等五

人餘莫題等七姓悉原不問太祖慮內難乃北踰陰山幸賀蘭部遣安同及長孫賀徵兵於慕容垂賀正奔窟咄安同間行遂達中山慕容垂遣子賀驎步騎六千以隨之安同與垂使人蘭紇俱還達牛川窟咄兄子意烈捍之安同乃隱藏於商賈囊中至暮乃入空井得免仍奔賀驎軍既不至而稍前逼賀染干染干陰懷異端乃為窟咄來侵北部人皆驚駭莫有固志於是北部大人叔孫普洛節及諸烏丸亡奔衛辰賀驎聞之遽遣安同朱譚等來既知賀驎軍近眾乃少定太祖自弩山幸牛川窟咄進屯高柳太祖復使安同詣賀驎因冠會期安同還太祖踰參合出代北與賀驎會於高柳窟咄困迫望旗奔走遂為衛辰殺之帝悉收其衆賀驎別帝歸於中山

元儀

按魏書秦明王傳秦明王翰子儀長七尺五寸容貌甚偉美鬚髯有斧略少能舞劍騎射絕人太祖幸賀蘭部侍從出入登國初賜爵九原公從破諸部有謀戰功及太祖將圖慕容垂遣儀觀覈還報曰垂死乃可圖今則未可太祖作色問之儀曰垂年已暮其子寶弱而無威謀不能決慕容德自負才氣非弱主之臣覺將內起是可計之太祖以為然後改封平原公太祖征衛辰儀出別道獲衛辰尸傳首行宮太祖大喜徙封東平公命督屯田於河北自五原至柸陽塞外分農稼大得人心慕容寶之寇五原儀據朔方要其還路及并州平儀功多遷尚書令從圍中山慕容德之敗也太祖以普驎妻周氏賜儀并其僮僕財物尋遷都督中外諸軍事左丞相進封衛王中山平

復遣儀討鄴平之太祖將還代都置中山行臺詔儀守尚書令以鎮之遠近懷附尋徵儀以丞相入輔又從征高車儀別從西北破其別部又從討姚平有功賜以絹布綿牛馬羊等儀督力過人弓力將十石陳留公虔稍大稱異時人云衛王弓桓王稍太祖以儀器望待之如家人禮儀矜功恃寵遂與宜都公穆崇謀為亂伏武士伺太祖欲為逆崇子遂留伏士中太祖召之將有所使遂留聞召恐發踰牆告狀太祖祕而恕之天賜六年天文多變占者云當有逆臣伏尸流血太祖惡之頗殺公卿欲以厭當天災儀內不自安單騎遁走太祖使人追執之遂賜死葬以庶人禮儀十五子

元烈

按魏書秦明王傳儀弟烈剛武有智略元紹之逆百寮莫敢有聲唯烈行出外詐附紹舉執太宗紹信之自延秋門出遂迎立太宗以功進爵陰平王薨諡曰熹子襲襲

元觚

按魏書秦明王傳烈弟觚勇略有膽氣少與兄儀從太祖侍衛左右使於慕容垂垂末年政在羣下遂止觚以求賂太祖絕之觚率左右數十騎殺其衛將走歸為慕容寶所執歸中山垂待之逾厚觚因留心學業誦讀經書數十萬言垂之國人咸稱重之太祖之討中山慕容普驎既自立遂害觚以固衆心太祖聞之哀憫及平中山發普驎梟斬其尸收議害觚者傳高甯程同等皆夷五族以大刃剖殺之乃改葬觚追諡秦愍王封子襲為豫章王以紹觚

元邁

按魏書常山王傳常山王邁昭成子壽鳩之子也少而壯勇不拘小節太祖初有佐命勳賜爵略陽公慕容寶之敗也別率騎七百邀其歸路由是有參合之捷及平中山拜尚書左僕射加侍中領渤海之合口及博陵渤海羣盜起邁討平之遷州牧封常山王邁好酒天賜四年坐醉亂失禮於太原公主賜死葬以庶人禮

元顥

按魏書陳留王傳陳留王虔兄顥性嚴重少言太祖常敬之雅有謀策從平中山以功賜爵蒲城侯平盧太守特見寵厚給鼓吹羽儀禮同岳牧莅政以威信著稱居官七年乃以元易干代顥為郡時易于萬言得寵於太祖易于恃其子輕忽於顥不告其狀輕騎卒至排顥墜牀而據顥坐顥不知代已謂以罪見捕既而知之恥其侮慢謂易于曰我更滿被代常也汝無禮見辱豈可容哉遂搏而殺之以狀具聞太祖壯之萬言累以訴請乃詔顥輸贖顥乃自請罪太祖赦之復免其贖病卒

元虔

按魏書陳留王傳陳留王虔昭成子紇根之子也少以壯勇知名登國初賜爵陳留公與衛王儀破黜弗部從攻衛辰慕容寶來寇虔絕其左翼寶敗垂悲憤來桑乾虔勇而輕敵於陳戰沒虔姿貌魁傑武力絕倫每以常稍細短大作之猶患其輕復綴鈴於刃下其弓力倍加常人以其殊異於世代京武庫常存而志之虔常臨陣以箝刺人遂貫而高舉又嘗以一手

頓稍於地馳馬爲退敵人爭取引不能出遂引弓射之一箭殺二三人搖稍之徒匹魂而散徐乃令八取稍而去每從征討常先登陷陳勇冠當時敵無衆莫敢抗其前者及薨舉國悲歎爲之流涕太祖追惜傷慟者數焉追諡陳留和王配饗廟庭

元順

按魏書毗陵王傳毗陵王順昭成子也性疎佷登國初賜爵南安公及太祖討中山留順守京師柏肆之敗軍人有亡歸者言大軍奔散不知太祖所在順聞之欲自立納莫題諫乃止時賀力眷等聚衆作亂於陰館順討之不剋乃從留官自白登南人繁時故城阻澤水爲固以寧人心太祖善之進封爲王位司隸校尉太祖好黃老數召諸王及朝臣親爲說之在坐莫不祇肅順獨坐寐欠伸不顧而唾太祖怒廢之以王薨於家

元意烈

按魏書遼西公傳遼西公意烈昭成子力眞之子也先沒於慕容垂太祖征中山棄妻子迎於井陘及平中原有戰獲勳賜爵遼西公除廣平太守時和跋爲鄴行臺意烈性雄耿自以帝屬恥居跋下遂陰結徒黨將襲鄴發覺賜死

元勃

按魏書遼西公傳遼西公意烈弟勃善射御以勳賜爵彭城公卒陪葬金陵

元紇羅

按魏書上谷公傳上谷公紇羅神元皇帝之曾孫也初從太祖自獨孤如賀蘭部招集舊戶得三百家與

弟建勸勸賀誦推太祖爲主及太祖登王位紇羅常翼衛左右又從征伐有大功紇羅有後世見優賞及即位與弟建同日賜爵爲公卒

元因

按魏書武陵侯傳武陵侯因帝弟也從太祖平中原以功封曲逆侯世祖時改爵武陵

元頽

按魏書望都公傳望都公頽昭帝之後也隨太祖平中原賜爵望都侯世祖以頽美儀容進止可觀使迎左昭儀於蠕蠕進爵爲公卒

元素延

按魏書曲陽侯傳曲陽侯元素延桓帝之後也以小統從太祖征討諸部初定并州爲刺史太祖之驚於柏肆也并州守將封寶眞爲逆素延斬之時太祖意欲撫悅新附悔參合之誅而素延殺戮過多坐免官中山平拜幽州刺史豪奢放逸左遷上谷太守後賜爵曲陽侯時太祖留心黃老欲以純風化俗雖乘輿服御皆去彫飾咸尚質儉而素延奢侈過度太祖深銜之積其過因微坐賜死

元比干

按魏書吉陽男傳吉陽男比干太祖族弟也以司衛監討白濁丁零有功賜爵吉陽男後爲南道都將戰沒

元呂

按魏書江夏公傳江夏公呂太祖族弟也從世祖平涼州有功封江夏公位外都大官委以朝政大見尊重卒贈江夏王陪葬金陵

元斤

按魏書高涼王傳高涼王孤斤失職懷怒構定君爲逆死於長安太祖時以孤勳高追封高涼王諡曰神武

元度

按魏書高涼王傳高涼王孤孫度太祖初賜爵松滋侯位比部尚書卒

元敦

按魏書西河公傳西河公敦平文帝之曾孫也太祖初從征被堅執銳名冠諸將後從征中山所向無前太宗時拜中都大官世祖時進爵西河公寵遇彌篤卒于撥櫓

元烏眞

按魏書武衛將軍傳謂子烏眞臂力絕人隨太祖征伐屢有戰功官至鉅鹿太守

元泥

按魏書文安公傳文安公泥國之疎族也性忠直壯烈有智書太祖厚遇之賜爵文安公拜安東將軍卒

元絡

按魏書清河王傳清河王絡天興六年封兕狼險悖不遵教訓好輕遊里巷劫剝行人斫射犬豕以爲戲樂太祖嘗怒之倒懸井中垂死乃出太宗常以義方責之遂與不協恆懼其爲變而絡母夫人賀氏有譴太祖幽之於宮將殺之會日暮未決賀氏密告絡曰汝將何以救吾絡乃夜與帳下及宦者數人踰宮犯禁左右侍御呼曰賊至太祖驚起求弓刀不獲遂暴崩明日宮門至日中不開絡稱詔召百寮於西宮端

門前北面而立紹從門扇間謂羣臣曰我有父亦有兄公卿欲從誰也王公已下皆驚愕失色莫有對者良久南平公長孫嵩曰從王羣臣乃知宮車晏駕而不審登遐之狀唯陰平公元烈哭泣而去於是朝野兇兇人懷異志肥如侯賀護舉烽於安陽城北故賀蘭部人皆往赴之其餘舊部亦率子弟招集族人往往相聚紹聞人情不安乃出布帛班賜王公以下上者數百匹下者十匹先是太宗在外聞變乃還潛於山中使人夜告北新侯安同衆皆響應太宗至城西衛士執送紹於是賜紹母子死誅帳下闌官宮人爲內應者十數人其先犯乘輿者羣臣於城南都街生轢割而食之紹時年十六

元熙

按魏書陽平王傳陽平王熙天興六年封聰達有雅操爲宗屬所欽重太宗治兵於東部詔熙督十二軍校閱甚得軍儀太宗嘉之賞賜隆厚後討西部越勤有功泰常六年薨時年二十三太宗哀慟不已賜溫明祕器禮物備焉

元驪

按魏書河南王傳河南王驪天興六年封五歲嘗射雀於太祖前中之太祖驚歎焉及長武藝絕人與陽平王熙等並督諸軍講武衆咸服其勇泰常七年薨時年二十二有七子

元修

按魏書河間王傳河間王修天賜四年封泰常元年薨無子世祖繼絕世詔河南王驪之子羯兒襲修爵改封略陽後與永昌王健督諸軍討禿髮保周於番

和徙張掖民數百家於武威遂與諸將私自沒入坐貪暴降爵爲公後統河西諸軍襲蠕蠕至於漠南仍復王爵加征西大將軍正平初有罪賜死爵除

元處文

按魏書長樂王傳長樂王處文天賜四年封聰辯風成年十四泰常元年薨太宗悼傷之自小斂至葬常親臨哀慟陪葬金陵無子爵除

元連

按魏書廣平王傳廣平王連天賜四年封始光四年薨無子

元黎

按魏書京兆王傳京兆王黎天賜四年封神龜元年薨

欽定古今圖書集成明倫彙編氏族典

第一百四十一卷目錄

元姓部列傳二

北魏二

元纂

元幹

元悅

元嶠

元栗

元題

元眞樂

元磨渾

元彌

元健

元俊

元渾南平王

元提

元碩

元忠

元庫汗

元陸

元陵

元大頭

元洪超

元翰

元建閣

元良樂安王

元良南陽王

元素

元崇陳留王

元拔干

元渾南平王

元嬰文

元屈

元丕

元範

元崇建寧王

元他

元比陵

元根

元可悉陵

元德

元悉

元禮

元石

元齊

元伏羅

元譚

元余

元仁

元篤

元平原

元新成

元小新成

元天賜

元雲

元長壽

元胡兒

元天瑒

元霄

元子推

元萬壽

元洛侯

元楨

元太洛

元休

氏族典第一百四十一卷

元姓部列傳二

北魏二

元纂

按魏書秦明王傳秦明王幹子儀儀子纂五歲太祖命養於官中少明敏動止有禮太祖愛之恩與諸皇子同世祖踐阼除定州刺史封中山公進爵爲王賜步挽几以優異之纂好酒愛依政以賄成世祖殺其親嬖人後悔過修謹拜內大將軍居官清約簡慎更稱廉平纂於宗屬最長宗室有事咸就諮焉薨諡曰簡

元良

按魏書秦明王傳纂弟良性忠篤太宗追錄儀功封南陽王以紹儀後

元幹

按魏書秦明王傳良弟幹機悟沈勇善弓馬少有父風太宗卽位拜內將軍都將入備禁中太宗出遊於白登之東北幹以騎從有雙鵝飛鳴於上太宗命左

右射之莫能中鵝旋飛稍高幹自請射之以二箭下雙鵝太宗嘉之賜御馬弓矢金帶一以旌其能軍中於是號曰射鵝都將從世祖南巡進爵新蔡公高宗卽位拜都官尚書卒諡曰昭

元素

按魏書常山王傳常山王遵子素太宗從母所生特見親寵少引內侍頻歷顯官賜爵尚安公拜外都大官世祖初復襲爵休屠郁原等叛素討之斬渠率徙千餘家於涿鹿之陽立平原郡以處之及平統萬以素有威懷之略拜假節征西大將軍以鎮之後拜內都大官高宗卽位務崇寬征罷諸雜調有司奏國用不足固請復之惟素曰臣聞百姓不足君孰與足帝善而從之詔羣臣議定皇子名素及司徒陸麗議曰古帝王之制名其體有五有信有義有象有假有類伏惟陛下當盛明之運應昌發之期誕生皇子宜以德命高宗從之素宗屬之懿又年老帝每引入訪以治國政事固辭疾歸第雅性方正居官五十載終始如一時論賢之薨諡曰康陪葬金陵配饗廟庭

元悅

按魏書陳留王傳陳留王虔薨太祖封其子悅爲朱提王悅外和內佞太祖常以桓王死王事特加親寵爲左將軍襲封後爲宗師悅恃寵驕矜每爲所親王洛生之徒言曰一旦官車晏駕吾止避衛公除此誰在吾前衛王儀美髯爲內外所重悅故云初姚興之贖狄伯支悅送之路由馬門悅因背誘姦豪以取其意後遇事譴逃亡投馬門規收豪傑欲爲不軌爲土人執送太祖恕而不罪太宗卽位引悅入侍仍懷姦

計說帝云京師雜人不可保信宜誅其非類者又屬門人多詐并可誅之欲以雪其私忿太宗不從悅內自疑懼懷刀入侍謀爲大逆叔孫俊疑之竊視其懷有刀執而賜死

元崇

按魏書陳留王傳悅弟崇世祖詔令襲桓王爵崇性沈厚初衛王死後太祖欲敦宗親之義詔引諸王子弟入宴常山王素等三十餘人咸謂與衛王相坐疑懼皆出逃遁將奔蠕蠕唯崇獨至太祖見之甚悅厚加禮賜遂寵敬之素等於是亦安久之拜并州刺史有政績從征蠕蠕別督諸軍出大澤越涿邪山威懾漠北薨諡曰景王子建襲降爵爲公位鎮北將軍懷荒鎮大將卒建子琛位恆朔二州刺史琛子翌尚書左僕射

元嶠

按魏書陳留王傳陳留王虔兄顗顗子嶠世祖時襲父爵以功除統萬鎮將後從永昌王仁南征別出汝陰濟淮劉義隆將劉康祖屯於慰武亭以邀軍路師人患之嶠曰今大風既勁若令推草車方軌並進乘風縱煙火以精兵自後乘之破之必矣從之斬康祖傳首行宮高宗即位除秦州刺史進爵隴西公卒諡定公子琛襲爵

元拔干

按魏書遼西公傳遼西公意烈子拔干博知古今父雖有罪太祖以拔干宗親委之心腹有計略屢效忠勤太宗踐阼除渤海太守吏人樂之賜爵武遂子轉平原鎮將得將士心卒諡曰靈公子受洛襲進爵武

邑公卒子叱奴武川鎮將

元粟

按魏書遼西公傳遼西公意烈弟勃勃長子粟世祖時督諸軍屯漠南亮直善馭衆撫恤將士必與之同勞逸征和龍以功進封爲王薨陪葬金陵

元渾

按魏書遼西公傳粟弟渾少善弓馬世祖嘉之會有諸方使命渾射獸三頭發皆中之舉坐咸以爲善及爲宰官尚書頗以驕縱爲失坐事免徙長社爲人所害子庫汗爲羽林中郎將

元題

按魏書上谷公傳上谷公紇羅子題少以雄武知名賜爵襄城公從征中山受詔徇下諸郡撫慰新城皆安化樂業進爵爲王擊慕容麟於義臺中流矢薨帝以太醫令陰光爲視療不盡術伏法

元嬰文

按魏書建德公傳建德公嬰文神元皇帝之後也少明辯有決斷太宗器之典出納詔命常執機要世祖踐阼進爵建德公鎮遼西卒

元眞樂

按魏書高涼王傳高涼王孤斤斤子眞樂頗有戰功後襲祖封太宗初改封平陽王薨

元屈

按魏書文安公傳文安公泥子屈襲爵太宗時居門下出納詔命性明敏善奏事每合上旨賜爵元城侯加功勞將軍與南平公長孫嵩白馬侯崔元伯等並決獄訟太宗東巡命屈行右丞相山陽侯奚斤行左

丞相命掌軍國甚有聲譽後吐京與離石等叛屈督會稽公劉潔永安侯魏勤捍之勤沒於陳潔墜馬被執太宗以屈沒失二將欲斬之時并州刺史元六頭荒淫怠事乃赦屈令攝州事屈縱酒廢政事太宗積其前後失轡車徵還斬於市

元磨渾

按魏書文安公傳文安公泥子屈屈子磨渾少爲太宗所知元紹之逆也太宗潛隱於外磨渾與叔孫俊詐云太宗所在紹使帳下二人隨磨渾往規爲逆磨渾既得出便縛帳下詣太宗斬之太宗得磨渾大喜因爲羽翼以勳賜爵長沙公拜尚書出爲定州刺史卒

元丕

按魏書樂平王傳樂平王丕少有才幹爲世所稱太宗以丕長愛其器度特優異之泰常七年封拜車騎大將軍後督河西高平諸軍討南秦王楊難當軍至略陽禁令齊肅所過無私百姓爭致牛酒難當懼還仇池而諸將議曰若不誅豪帥軍還之後必聚而爲寇又以大衆遠出不有所掠則無以充軍實賞將士將從之時中書侍郎高允參不軍事諫曰今若誅之是傷其向化之心恐大軍一還爲亂必速不以為然於是緩懷初附秋毫無犯初馮弘之奔高麗世祖詔遣送之高麗不遣世祖怒將討之丕上疏以爲和龍新定宜優復之使廣修農殖以饒軍實然後進圖可一舉而滅帝納之乃止後坐劉潔事以憂薨諡曰戾王子拔襲爵後坐事賜死國除

元彌

按魏書安定王傳安定王彌泰常七年封太宗討滑臺留守京師薨諡殤王無子國除

元範

按魏書樂安王傳樂安王範泰常七年封雅性沉厚寬和仁恕世祖以長安形勝之地非範莫可任者乃拜範都督五州諸軍事衛大將軍開府儀同三司長安鎮都大將軍高遷才能以爲僚佐範謙恭惠下推心撫納百姓稱之時秦土新罹寇賊流亡者相繼範請崇易簡之治帝納之於是遂寬徭與人休息後劉潔之謀範聞而不告事發因疾暴薨

元健

按魏書末昌王傳末昌王健泰常七年封健姿貌魁壯善弓馬達兵法所在征戰常有大功才藝比陳留桓王而智略過之從世祖破赫連昌遂西略至木根山討和龍健別攻拔建德後平白龍餘黨於西河世祖襲蠕蠕越逐邪山車駕還詔健殿後蠕蠕萬騎追之健與數十騎擊之矢不虛發所中皆應弦而斃遂退威震漠北尋從平涼州健功居多又討破秃髮保周自殺傳首京師復降沮渠無諱無疾薨諡曰莊王

元崇

按魏書建寧王傳建寧王崇泰常七年封拜輔國將軍從討北寇有功高祖時封崇子麗濟南王後與京兆王杜元寶謀逆父子並賜死

元俊

按魏書新興王傳新興王俊泰常七年封拜鎮東大將軍少善騎射多才藝坐法削爵爲公俊好酒色多越法度又以母先遇罪死而已被貶削恆懷怨望頗

有悖心後事發賜死國除

元他

按魏書陽平王傳陽平王熙長子他襲封身長八尺美姿貌性謹厚武藝過人從世祖討山胡白龍於西河屠其城別破餘黨斬首數千級改封臨淮王拜鎮東將軍尋改封淮南王除使持節都督豫洛河南諸軍事鎮南大將軍開府儀同三司鎮虎牢威名甚著後與武昌王提率并州諸軍討曹侯渾於河西平之拜使持節前鋒大將軍都督諸軍事北討蠕蠕破之運軍儲於比干城劉義隆遣將寇邊他從征於懸瓠破之拜使持節都督雍秦二州諸軍事鎮西大將軍開府儀同三司雍州刺史鎮長安義隆寇南鄙以他威信素著復爲虎牢鎮都大將軍高宗時轉使持節都督涼州諸軍事鎮西大將軍高祖初入爲中都大官拜侍中轉征西大將軍遷司徒賜安車几杖入朝不趨太和十二年薨年七十三追贈平東大將軍定州牧諡曰靖王世子吐萬早卒贈冠軍并州刺史晉陽順侯子顯襲祖爵薨諡曰僖王

元渾

按魏書廣平王傳廣平王渾無子世祖以陽平王熙之第二子渾爲南平王以繼連後加平西將軍渾好弓馬射鳥輒歷飛而殺之時皆歎異焉世祖嘗命左右分射勝者中的籌滿詔渾解之三發皆中世祖大悅器其藝能常引侍左右賜馬百匹僮僕數十人後拜假節都督平州諸軍事鎮東裔校尉鎮東大將軍儀同三司平州刺史鎮和龍在州綏導有方民畜悅之徙涼州鎮將都督西戎諸軍事鎮護西域校尉

賜御馬二匹臨鎮清慎思著涼土更滿還京父老皆涕泣追送若違所親太和十一年從駕巡方山道薨

元比陵

按魏書陽平王傳渾弟比陵太延五年爲司空賜爵鮮阿公除安遠將軍懷荒鎮大將軍卒

元提

按魏書河南王傳河南王曜長子提襲烈有父風世祖時襲爵改封潁川王迎昭儀於塞北時年十六有夙成之量殊域敬焉後改封武昌拜使持節鎮東大將軍平原鎮都大將軍在任十年大著威名後與淮南王他討平吐京叛寇遷使持節車騎大將軍統萬鎮都大將軍賜馬百匹羊千口甚見寵待大安元年薨年四十七諡曰成

元根

按魏書京兆王傳京兆王黎子根襲改封江陽王加平北將軍薨無子顯祖以南平王霄第二子繼爲根後

元順

按魏書秦明王傳秦明王輪子儀儀子幹幹子順通解諸方之語便騎射世祖時爲司衛監從征蠕蠕忽遇賊別部多少不敢順乃就山解鞍放馬以示有伏賊果疑而避之高祖初賜爵沛郡公後拜南豫州刺史太湖山蠻時鈔掠前後守牧多羈縻而已順乃設畫召新蔡襄城蠻魁三十餘人順盛武裝於州西爲置酒使之觀射先選左右能射者二十餘人順自發數箭皆中然後命左右以大而射並出先出一囚犯死罪者使服軍衣亦參射限命射不中順即責而

斬之蠻魁等伏仗畏威相視股慄又預教左右取死囚十人皆著蠻衣云是鈔賊頑乃臨坐僞舉目瞻天微有風動頑謂蠻曰風氣少暴似有鈔賊入境不過十人當在西南五十里許即命騎追掩果縛送十人頑告諸蠻曰爾鄉里作賊如此合死以不蠻等皆叩頭曰合萬死頑即斬之乃遣蠻還并加慰諭諸蠻大服自是境無暴掠淮南之人相率投附者三千餘家置之城東汝水之側名曰歸義坊初豫州城豪胡丘生數與外交通及頑為刺史丘生嘗有犯懷恨圖為不軌詐以婚進城人告云刺史欲遷城中大家送之向代共謀翻城城人石道起以事密告頑速掩丘生并諸預謀者頑曰吾不負人人何以叛但丘生誑誤若即收掩衆必大懼吾靜以待之不久自當悔服語未訖而城中三百人自縛詣州門陳丘生誑誑之罪丘生單騎逃走頑恕而不問後徵為都牧尚書薨贈侍中儀同三司諡簡公有八子

元可悉陵
按魏書常山王傳常山王遵子素素長子可悉陵年十七從世祖獵遇一猛虎陵遂空手搏之以獻世祖曰汝才力絕人當為國立事勿如此也即拜內行阿干又從平涼州沮渠茂度令一驍將與陵相擊兩槊皆折陵抽箭射之墜馬陵恐其救至未及拔劍以刀子戾其頸使身首異處世祖壯之即日拜都幢將封賢陽子卒於中軍都將弟陪斤襲爵坐事國除

元忠
按魏書常山王傳陪斤弟忠字德少沈厚以忠謹聞高祖時累遷右僕射賜爵城陽公加侍中鎮西將軍有翼贊之勤百寮咸敬之太和四年病篤辭退養疾於高柳與駕親送都門之外卒諡曰宣命有司為立碑銘有十七子

元德
按魏書常山王傳忠弟德封河間公卒於鎮南將軍贈曹州刺史

元庫汗
按魏書遼西公傳遼西公意烈弟勃勃子渾渾子庫汗為羽林中郎將從北巡有免起乘輿前命庫汗射之應絃而斃世祖悅賜一金兔以旌其能高宗起恭宗廟賜爵陽豐侯顯祖即位復造高宗廟拜殿中給事進爵為公庫汗明於斷決每奉使察行州鎮折獄以情所歷皆稱之秦州父老詣闕乞庫汗為刺史者前後千餘人朝廷許之未及遣遇病卒子古辰襲

元悉
按魏書上谷公傳上谷公紇羅子題題子悉降爵為襄陽公卒贈襄城王

元陸
按魏書真定侯傳真定侯陸神元皇帝之後也世祖時以武功頗蒙恩遇拜散騎常侍賜爵真定侯卒

元禮
按魏書高涼王傳高涼王孤子斤斤子真樂真樂子禮襲本爵高涼王薨諡懿王

元陵
按魏書高涼王傳禮弟陵世祖賜爵襄邑男進爵為子卒

元石
按魏書高涼王傳禮弟陵世祖賜爵襄邑男進爵為子卒

按魏書司徒石傳司徒石平文帝之元孫也忠勇有膽略尤善騎射從世祖南討至瓜步位尚書令雍州刺史歷比部侍郎華州刺史累遷征南大將軍卒贈司徒公

元大頭
按魏書淮陵侯傳淮陵侯大頭烈帝之曾孫也善騎射擢為內三郎從世祖有戰功賜爵高宗初封淮陵性謹密帝甚重之位寧北將軍遷右將軍卒贈高平公諡曰烈

元齊

按魏書河間公傳河間公齊烈帝之元孫也少雄傑魁岸世祖愛其勇壯引侍左右從征赫連昌世祖馬蹶賊衆逼帝齊以身蔽捍決死擊賊賊乃退世祖得上馬是日徵齊世祖幾至危殆世祖以微服入其城齊固諫不許乃與數人從世祖入城內既覺諸門悉閉世祖及齊等因入其宮中得婦人裙繫之梁上世祖乘而上因此得拔齊有力焉賜爵浮陽侯從征和龍以功拜尚書進爵為公後與新興王俊討禿髮保周坐事免官爵劉義隆將裝方明陷仇池復賜爵河間公與武都王楊保宗對鎮略谷時保宗弟文德說保宗閉險自固有期矣秦州主簿邊因知之密告齊齊晨詣保宗呼曰古弼至欲宣詔保宗出齊叱左右扶保宗上馬馳驛送臺諸氏遂推文德為主求援於劉義隆義隆遣將房亮之持昭啖龍等率衆助文德齊擊斬殺龍擒亮之氏遂平以功拜內都大官卒諡曰敬

元洪超

按魏書遼西公傳遼西公烈烈子拔干拔干子受洛受洛子叱奴叱奴子洪超頗有學涉大來賊亂之後詔洪超持節兼黃門侍郎慰慰冀部還上言冀土寬廣界去州六七百里負海險遠宜分置一州鎮遏海曲朝議從之後遂立涪州卒於北軍將光祿大夫

元伏羅

按魏書晉王傳晉王伏羅眞君三年封加車騎大將軍後督高平涼州諸軍討吐谷渾纂利延軍至樂都謂諸將曰若從正道恐軍聲先振必當遠邁若潛軍出其非意此郭艾擒蜀之計也諸將咸難之伏羅曰夫將軍制勝萬里擇利專之可也遂間道行至大母橋纂利延衆驚奔白蘭纂利延子拾寅走阿曲斬首五千餘級降其一萬餘落八年薨無子國除

元翰

按魏書東平王傳東平王翰眞君三年封秦王拜侍中中軍大將軍參典都曹事忠貞雅正百僚憚之太傅高允以翰年少作諸侯歲以遺之翰覽之大悅後鎮枹罕以信惠撫衆羌戎敬服改封東平王世祖崩諸大臣等議欲立翰而中常侍宗愛與翰不協矯太后令立南安王余遂殺翰

元諱

按魏書臨淮王傳臨淮王諱眞君三年封燕王拜侍中參都曹事後改封臨淮王世祖南討授中軍大將軍先是劉義隆以鄒山險固有榮胡家乃積糧爲守禦之備諱率衆攻之獲米三十萬以供軍儲義隆恃淮之阻素不設備諱遂後數十潛軍而濟賊衆驚潰遂斬其將胡崇賊首萬餘級薨諡宣王

元建閣

按魏書廣陽王傳廣陽王建閣眞君三年封楚王後改封廣陽王薨諡曰簡王子石侯襲薨諡曰哀王子遺興襲薨諡曰定王無子

元余

按魏書南安王傳南安王余眞君三年封吳王後改封南安王世祖崩中常侍宗愛矯皇太后令迎余而立之然後發喪大赦改年爲永平余自以非次而立厚賞羣下取悅於衆爲長夜之飲聲樂不絕旬月之間帑藏空罄尤好弋獵出遊無度邊方告難余不恤之百姓憤惋而余晏如也宗愛權恣日甚內外憚之余疑愛將謀變奪其權愛怒因余祭廟夜殺余高宗葬以王禮諡曰隱

元良

按魏書樂安王傳樂安王範長子良世祖未有子嘗曰兄弟之子猶子也親撫養之長而壯勇多知常參軍國大計高宗時襲王拜長安鎮都大將雍州刺史爲內都大官薨諡曰簡王

元仁

按魏書永昌王傳永昌王健子仁襲仁亦驍勇有父風世祖奇之後與濮陽王閭若文謀爲不軌發覺賜死國除

元篤

按魏書陽平王傳陽平王熙子他他子篤字阿成太子右率北中郎將撫冥鎮將光祿卿出除平北將軍幽州刺史卒諡曰貞長子浩字洪達太尉長史

元天琚

按魏書陽平王傳陽平王熙子比陵比陵子天琚襲高祖時征南將軍青州刺史從駕南征拜後將軍尋降公爲侯除西中郎將世祖時征南將軍夏州刺史卒贈本將軍濟州刺史子延伯襲卒

元平原

按魏書河南王傳河南王曜子提提長子平原襲爵忠果有智略顯祖時蠕蠕犯塞從駕擊之平原戰功居多拜假節都督齊兗二州諸軍事鎮南將軍齊州刺史善於懷撫邊民歸附者千有餘家高祖時妖賊司馬小君自稱晉後聚三千餘人屯聚平陵號年聖君攻破郡縣殺害長吏平原身自討擊殺七人擒小君送京師斬之又有妖人劉舉自稱天子扇惑百姓復討斬之時歲穀不登齊民飢饉平原以私米三千餘斛爲粥以全民命北州成卒一千餘人還者皆給路糧百姓咸稱詠之州民韓凝之等千餘人詣闕頌之高祖覽而嘉歎及還京師每歲率諸軍屯於漠南以備蠕蠕還都督雍秦梁益四州諸軍事征南大將軍開府雍州刺史鎮長安太和十一年薨贈以本官加羽葆鼓吹諡曰簡王有五子長子和爲沙門捨其子顯以爵讓其次弟鑒鑒固辭詔許鑒身終之後令顯襲爵鑒乃受之

元霄

按魏書廣平王傳廣平王連無子以渾繼渾薨子飛龍襲後賜名霄身長九尺腰帶十圍容貌魁偉雅有風則貞白卓然好直言正諫朝臣憚之高祖特垂欽重除宗正卿右光祿大夫詔曰自今奏事諸臣相稱可云姓名惟南平王一人可直言其封還左光祿大

夫太和十七年薨賜朝服一具衣一襲東園第一祕器絹千匹高祖總哀臨喪哀慟左右醺不舉樂贈衛將軍定州刺史賜帛五百匹諡曰安王子纂襲

元新成

按魏書陽平王傳陽平王新成太安三年封拜征西大將軍後爲內都大官薨諡曰幽

元子推

按魏書京兆王傳京兆王子推太安五年封位侍中征南大將軍長安鎮都大將子推性沈雅善於綏接秦雍之人服其威惠入爲中都大官察獄有稱顯祖將禪位於子推以大臣固諫乃傳高祖高祖卽位拜侍中本將軍開府儀同三司青州刺史未至道薨

元小新成

按魏書濟陰王傳濟陰王小新成和平二年封頗有武略庫莫奚侵擾詔新成率衆討之新成乃多爲毒酒賊既漸逼便棄營而去賊至喜而競飲聊無所備遂簡輕騎因醉縱擊俘馘甚多後位外都大官薨贈大將軍諡曰惠公

元萬壽

按魏書樂良王傳樂良王萬壽和平三年封拜征東大將軍鎮和龍性貪暴徵還道憂薨諡曰厲王子康王樂平襲薨子長命襲坐殺人賜死國除

元天賜

按魏書汝陰王傳汝陰王天賜和平三年封拜鎮南大將軍虎牢鎮都大將後爲內都大官高祖初殿中尚書胡莫寒簡西部勅勒豪富兼丁者爲殿中武士而大納財貨簡選不平衆怒殺莫寒及高平假鎮將

奚陵於是諸部勅勒悉叛詔天賜與給事中羅雲督諸軍討之前鋒勅勒詐降雲信之副將元伏曰勅勒色動恐將有變今不設備將何所圖雲不從勅勒輕騎數千襲殺雲天賜僅得自全後除征北大將軍護匈奴中郎將累遷懷朔鎮大將坐貪殘怨死削除官爵卒高祖哭於思政觀贈本爵葬從王禮諡曰靈王

元洛侯

按魏書廣平王傳廣平王洛侯和平二年封薨諡曰傷無子後以陽平幽王第五子匡後之

元雲

按魏書任城王傳任城王雲年五歲恭宗崩號哭不絕聲世祖聞之而呼抱之泣曰汝何知而有成人之意也和平五年封拜使持節侍中征東大將軍和龍鎮都大將顯祖時拜都督中外諸軍事中都坐大官聽理民訟甚收時譽延典中顯祖集羣寮欲禪位於京兆王子推王公卿士莫敢先言雲進曰天下是祖宗之天下而陛下輒改神器上乖七廟之靈下長姦亂之道此是禍福所由顯深思慎之於是傳位於高祖後蠕蠕犯塞雲爲中軍大都督從顯祖討之後仇池氏反以雲爲征西大將軍討平之除都督徐兗二州緣淮諸軍事征東大將軍開府徐州刺史復拜侍中中都大官出爲冀州刺史仍本將軍雲留心政事甚得下情高祖嘉之遷使持節都督陝西諸軍事征南大將軍長安鎮都大將雍州刺史雲廉謹自修留心庶獄挫抑豪彊羣盜息止州民頌之者千有餘人太和五年薨於州諡曰康陪葬雲中之金陵

元植

按魏書南安王傳南安王植皇興二年封加征南大將軍中都大官尋遷內都大官高祖卽位除涼州鎮都大將軍以綏撫有能加都督西戎諸軍事征西大將軍領護西域校尉儀同三司涼州刺史徵爲內都大官出爲使持節侍中本將軍開府長安鎮都大將軍州刺史植性忠謹事母以孝聞賜帛千匹以褒之徵赴講武高祖引見於皇信堂戒之植不能遵奉聚斂肆情乃削除封爵以庶人歸第禁錮終身後高祖南伐植從至洛及議遷都首從大計高祖甚悅復封南安王出爲鎮北大將軍相州刺史疽發背薨諡曰惠及恆州刺史穆泰謀反植知而不告雖薨猶追奪爵封國除有子

元長壽

按魏書城陽王傳城陽王長壽皇興二年封拜征西大將軍外都大官出爲沃野鎮都大將性敏慧善撫接在鎮甚有威名延興五年薨諡康王

元太洛

按魏書章武王傳章武王太洛皇興二年薨追贈征北大將軍章武郡王諡曰敬無子高祖初以南安惠王第二子彬爲後

元胡兒

按魏書樂陵王傳樂陵王胡兒和平四年薨追封樂陵王贈征北大將軍諡曰康

元休

按魏書安定王傳安定王休皇興二年封拜征南大將軍外都大官休少而聰慧治斷有稱高祖初庫莫奚寇邊以休爲使持節侍中都督諸軍事征東大將

軍儀同三司和龍鎮將休撫防有方賊乃款附入爲中都大官蠕蠕犯塞出爲使持節征北大將軍撫奚鎮大將休身先將士擊賊退之人爲內都大官遷太傅及開建五等食邑二千戶車駕南伐領大司馬定都洛邑休從駕幸鄴命休率從駕文武迎家於平城高祖親餞休於漳水之北十八年薨諡曰靖王世宗世配饗廟庭長子安幼年早卒

中國歷代氏族典

第一百四十二卷 元姓部

一二九二

欽定古今圖書集成明倫彙編氏族典

第一百四十二卷目錄

元姓部列傳三

北魏三

元瑞

元壽樂

元郁

元目辰

元興都

元道符

元提

元嘉

元法壽

元和

元鑒

元榮

元亮

元旭

元纂

元繼

元羅侯

元處真

元乙斤

元那

元瓊

元平

元長生

元丕

元陵

元蘭

元志

元莚

元珍

元大曹

元鷲

元長樂

元略

元簡

元若

元猛

元頤

元衍

元欽

元太興

元遙

元恆

元鬱

元偃

元麗

元逞

元汎

元修義

元匡

元澄

元嵩

元瞻

元英

元怡

元鸞

元彬

元思舉

元變

元願平

元末平

元珍平

元貴平

元昌

元孚

元深

元世運

元均

元禹

元善薩

元慶始

元慶運

元慶智

元謙

元昭

元紹

元暉

元盛

元壽典

元義

元羅

元爽

元爪

氏族典第一百四十二卷

元姓部列傳三

北魏三

元瑞

按魏書秦明王傳秦明王翰子儀儀子幹幹子禎禎第五子瑞初瑞母尹氏有娠致傷後晝寢夢一老翁具衣冠告之曰吾賜汝一子汝勿憂也寤而私喜又問筮者筮者曰大吉未幾而生瑞禎以爲協夢故名瑞字天賜位太中大夫卒贈太常卿

元壽樂

按魏書長樂王傳長樂王壽樂章帝之後也位選部尚書南安王改封長樂王高宗即位壽樂有援立功拜太宰大都督中外諸軍錄尚書事矜功與尚書令長孫渴侯爭權並伏法

元郁

按魏書順陽公傳順陽公郁桓帝之後也少忠正元直初以羽林中郎內侍勤幹有稱高宗時位殿中尚書從高宗東巡臨海以勞賜爵順陽公高宗崩乙渾專權隔絕內外百官震恐計無所出郁率殿中衛士數百人從順德門入欲誅渾渾懼逆出問郁曰君入何意郁曰不見天子羣臣憂懼求見主上渾窘怖謂郁曰今大行在殯天子諒闇故未接百官諸君何疑遂奉顯祖臨朝後渾心規爲亂朝臣側目郁復謀殺渾爲渾所誅顯祖錄郁忠正追贈順陽王諡曰簡

元目辰

按魏書宜都王傳宜都王目辰桓帝之後也初以羽林郎從太祖南伐至江高宗即位以勞累遷侍中尚書左僕射封南平公乙渾之謀亂也目辰與兄郁議欲殺渾事泄被誅目辰逃隱得免顯祖傳位有定策勳高祖即位遷司徒封宜都王除雍州刺史鎮長安目辰性亢直耿介不爲朋黨朝臣咸憚之然好財利在州政以賄成有罪伏法爵除

元興都

按魏書武衛將軍傳謂子烏真烏真子興都聰敏剛毅高宗時爲河間太守賜爵樂城子爲政嚴猛百姓憚之顯祖初以子不貴重進爵樂城侯謝老歸家

顯祖益禮之賜几杖服物致膳於第其妻婁氏爲東陽王太妃卒追贈定州刺史河間公諡曰宣子提襲父侯爵

元道符

按魏書東平王傳東平王翰子道符襲爵中軍大將軍顯祖踐阼拜長安鎮都大將軍皇興元年謀反司馬段太陽討斬之傳首京師

元提

按魏書臨淮王傳臨淮王譚子提襲爲梁州刺史以貪縱削除加罰徒配北鎮久之提子員外郎頴免冠請解所居官代父邊戍高祖不許後詔提從駕南伐至洛陽參定遷都之議尋卒以預參遷都功追封長鄉縣侯世宗時贈雍州刺史諡曰懿

元嘉

按魏書廣陽王傳廣陽王建閔子嘉少沉敏喜溫不形於色兼有武略高祖初拜徐州刺史甚有威惠後封廣陽王以紹建閔後高祖南伐詔嘉斷均口及將大漸遺詔以嘉爲尚書左僕射與咸陽王禧等輔政遷司州牧嘉表請於京四面築坊三百二十各周一千二百步乞發三正復丁以充茲役雖有暫勞姦盜未止詔從之拜衛大將軍尚書令除儀同三司後遷司空轉司徒嘉好立功名有盆公私多所敷奏帝雅委付之愛敬人物後來才俊未爲時知者侍坐之大轉加談引時人以此稱之薨贈侍中太保諡曰懿烈

元法壽

按魏書陽平王傳陽平王熙子他他子鍾葵早卒長子法壽侍御中散累遷中散大夫出除龍驤將軍安

州刺史法壽先令所親微服入境觀察風俗下車便大行賞罰於是境內肅然更滿還朝吏人詣闕請乞肅宗嘉之詔復州任後徵爲太中大夫加左將軍遷平東將軍光祿大夫建義初於河陰遇害贈車騎將軍相州刺史

元和

按魏書河南王傳河南王曜子提提子平原平原子和字善意鑒薨之後與鑒子伯宗競求承襲尚書令肇泰和太和中出爲沙門讓爵於鑒鑒後以和子顯年在弱冠宜承基緒求遜王爵以歸正嗣先朝詔終鑒身聽如其請鑒既薨逝和求襲封謹尋詔旨聽傳子顯不許其身和先讓後求有乖道素請令伯宗承襲世宗詔曰和初以讓鑒而鑒還讓其子交讓之道於是乎著其子早終可聽和襲尋拜諫議大夫兼太子率更令轉通直散騎常侍兼東中郎將肅宗時出爲輔國將軍涼州刺史坐事免久之除東郡太守正光四年薨贈安東將軍相州刺史

元鑒

按魏書河南王傳和弟鑒字紹達少有父風頗覽書傳沉重少言寬和奸士拜通直散騎常侍尋加冠軍將軍守河南尹車駕南伐以鑒爲平南將軍還除左衛將軍出爲征南將軍齊州刺史世宗初以本將軍轉徐州刺史屬徐兗大水民多饑饉鑒表加賑恤民賴以濟蕭衍角城戍主柴慶宗以城內附鑒遣淮陽太守吳泰生率兵千餘赴之衍淮陰援軍已來斷路泰生屢戰破之乘勝而進遂剋角城年四十二薨贈大將軍齊州刺史諡曰悼王長子伯宗員外郎次仲

淵蘭陵太守並早卒仲淵弟季偉武定中太尉中兵參軍

元榮

按魏書河南王傳鑒弟榮字笠生高祖時直寢從駕征新野終於羽林監

元亮

按魏書河南王傳榮弟亮字辟邪威遠將軍羽林監卒贈河間太守

元旭

按魏書河南王傳亮弟旭字道明太尉府行參軍司徒掾鎮遠將軍太僕少卿出除安西將軍東秦州刺史建義初卒於州贈征東將軍青州刺史

元纂

子伯和

按魏書廣平王傳廣平王連無子以渾繼渾薨子霄襲霄薨子纂襲纂亦有譽於時除恢武將軍進平西將軍領西中郎將出爲安北將軍平州刺史景明元年薨於平城子伯和襲承平三年薨贈散騎侍郎諡曰哀王

元繼

按魏書京兆王傳京兆王黎子根薨無子顯祖以繼爲根後繼字世仁襲封江陽王加平北將軍高祖時除使持節安北將軍撫冥鎮都大將轉都督柔元撫冥懷荒三鎮諸軍事鎮北將軍柔元鎮大將入爲左衛將軍兼侍中又兼中領軍留守洛京尋除使持節平北將軍鎮攝舊都高車酋帥樹者擁部民反叛詔繼都督北討諸軍事繼表請推檢斬首一人自餘加以慰諭高祖善之顧謂侍臣曰江陽良足大任也車